

Virtutis Solidæ Præcipua Impedimenta, Subsidia, Et Incitamenta

Commentationibus Illustrata, Omnium Usui Aptatis. Quæ Servire Insuper
Poterunt Pro Argumento Concionum: Uti Et Considerationum Tempore
Exercitiorum; præsertim verò pro gemino sacræ collectionis triduo; prout
ex subjectis hunc in finem elenchis patet. [...] Partes Tres

Incitamenta

Bellecius, Aloysius

Ratisbonae [u.a.], 1755

§.I. Exigentis

Nutzungsbedingungen

urn:nbn:de:hbz:466:1-55553

tentiusque incitamentum sectandæ perfectionis afferri in medium haud possit hoc ipso amore DEI , virtutem solidam à nobis I. exigentis , II. merentis. Nam geminæ huic veritati : *DEus vult , nos fieri sanctos* : *DEUS meretur , nos fieri sanctos* , magnetica quædam inest vis , ferrea etiam corda ad sanctimoniac culmen attrahendi , siquidem socia charitas suam operam junxit. Hæc enim certò referet victoriæ palmam , quam forsitan fides , timor & spes hactenus solum dubiam reddidere.

§. I.

DEUS vult , nos fieri sanctos.

I. **Q**UOD hæc sit voluntas DEI sanctificatio nostra; (b) quod Is 1. v. 3. exhibeamus omnem hominem perfectum in Christo JESU; (c) quod Is 1. v. 15. jubeat , ut in omni conversatione nostra sancti simus , (d) gemini Ecclesiæ Principes Petrus & Paulus , allegatis paulò ante

(b) Thess. 4. v. 3. (c) Coloss. 1. v. 23.
(d) 1. Petr. 1. v. 15.

ante verbis, adeò patenter & clarè te-
stantur, ut in dubium id vocare abs-
que temeritate nemini liceat.

Quin imò ipse, mortali carne ve-
stitus, æterni Patris Filius, qui (utpote
splendor gloriae ac figura substantiae ejus)
(e) summus orbis Magister, Legisla-
tor ac Judex est; hic, inquam, omni
illa, quæ ei in cælo & in terra data est,
potestate (f) suis discipulis ac per hos
etiam nobis denunciat, mandatque:
estote perfecti, sicut Pater vester cœlestis
perfectus est; (g) quoniam scriptum est:
sancti eritis, quoniam ego sanctus sum.
(h) Quid significantius dici? quid
apertiùs imperari? quid enixiùs com-
mendari queat? cùm simul & ratio
afferatur, ob quam debeamus ad per-
fectionem eniti, nempe *quoniam ego san-*
ctus sum: & simul sanctitudinis gradus
indicetur, ad quem eluctari nos opor-
teat, nimirum *sicut Pater vester cœlestis*
perfectus est; quantum scilicet virium
humanarum infirmitas permiserit.

Nec

(e) Hebr. i. v. 3.

(f) Matth. 28. v. 18.

(g) Matth. §. v. 48.

(h) I. Petr. i. v. 15.

Nec mirum; nam auctore Apostolo ideo *DEUS & Pater Domini nostrī JESU Christi . . . vocavit nos vocatione sua sancta*: (i) ideo elegit nos in Christo ante mundi constitutionem, ut scilicet essemus sancti & immaculati in conspectu ejus in charitate. (l) Ita est, ô piæ mentes! ideo illud nullius indigum ac sibi soli sufficiens Numen præ tot barbaris, heterodoxis & mundanis *vocavit nos ad fidem Christianam & Romanam*: ideo ad statum sacerdotalem aut religiosum, ut *essemus sancti*: ideo elegit nos præ tot aliis, in suo nihilo aut peccato relletis: ideo à tot periculis miseriisque nos liberavit, ut *essemus immaculati in conspectu ejus*, & quidem in charitate, cuius praxis in virtutis solidæ exercitio consistit. Hoc compendium intentionis divinæ, hic finis vocationis & electionis nostræ, quò omnes tendere toto conatu obstringimur. In summa: sanctimonia hominis est voluntas Numinis. *DEUS vult nos fieri sanctos*; id abun-

Pars III.

P

de

(i) 2. Tim. 1, v. 9.

(l) Ephes. 1, v. 4.

de probant allata ex sacris Paginis oracula.

Et hoc non tantum consilium, sed omnino præceptum esse; & quidem non tantum Religiosis, sed etiam mundi incolis impositum, apertè docet S. Thomas loco inferius referendo; (m) ubi asserit, etiam his æquè ac illis ad probitatem suo statui congruam eluctandum esse, totumque inter ambos discrimen solùm in eo versari, quòd votis ligati ad altiorem perfectionis apicem quàm mundani, atque ex fortiori titulo illuc eniti neantur.

Et certè sanctitatem, quæ cujusvis conditioni propria est, cuilibet Christi

(m) 2. 2. Q 186. a. 6. in C. & ad 2. ubi sic loquitur: ille, qui statum religiosum assumit, non tenetur babere perfectam charitatem; sed tenetur ad hoc tendere, & operam dare, ut habeat perfectam charitatem. Et ad 2. Omnes tam Religiosi quàm Seculares tenentur æqualiter facere, quidquid boni possunt. Est tamen aliquis modus hoc præceptum implendi, quo peccatum vitatur, scilicet si homo faciat, quod potest, secundum quod requirit conditio sui statutus.

sti asseclæ non minùs ac lucem Soli naturalem esse, omnesque etiam mundi negotiis implicitos mortales ad illam sectandam relatis ex Matthæo verbis adstringi, pluribus locis S. Paulus non tam affirmat, quam supponit; nam in primis pleraque ejus ad primos Fideles, qui sacerulares erant, epistola ita inscribuntur: *sanc̄tis*, qui sunt Ecclesiæ DEI, quæ est Corinthi: (n) *sanc̄tis*, qui sunt Romæ: (o) *sanc̄tis*, qui sunt Ephesi: (p) *sanc̄tis*, qui sunt Philippis; (q) per quod magnus ille Veritatis Præco innuit, sancti & christiani qualitatem à se invicem separari haud posse; adeoque omnes, quicunque legi huic nomen dant, etiam sectatores esse solidæ virtutis oportere.

Dein eodem teste cuncti Christo
initiati, nemine excepto, templum DEI
sunt, in quo habitat spiritus DEI. (r)
Jam verò hoc templum DEI sanctum
esse debere, (s) idem ipse asserit, in-

P 2 culcat-

(n) 1. Cor. 2. v. 1. (o) Rom. 1. v. 6.
(p) Eph. 1. v. 1. (q) Phil. 1. v. 1. (r) 1s
Cor. 3. v. 16. (s) Ibid. v. 17.

culcatque. Ergo secundum ejus doctrinam omnes etiam sacerdotes sanctitudinis sibi congruentis decet esse candidatos. Suntque viva haec templa, quae per baptismum fundata, & inchoata sunt, indies magis magisque attollenda, novisque sanctimoniarum incrementis quotidie perficienda per gratiam Illius, in quo (ut asseverat Gentium Doctor) *omnis ædificatio constructa crescit in templum sanctum in Domino;* & coædificatur in habitaculum DEI in spiritu. (t)

Præterea, eodem instruente Apostolo, omnes, etiam mundani, sunt membra corporis Ecclesiæ, cuius caput est Christus. (u) Ergo, si auctore Bernardo probrum est, sub spinoso capite esse membrum delicatum; quantò maius monstrum erit, sub capite sancto degeneri pravitate improbum esse membrum, & purioris vitæ incuriosum? Ex quibus patet, verissimum esse, quod suprà ex S. Thoma retulimus,

(t) Eph. 2. v. 21. & 22. (u) 1. Cor. 12.
v. 20. & Coloss. 1. v. 18.

mus, nempe non tantum Religiosos sed etiam Sæculares obligari tendere ad perfectionem suæ conditioni respondentem; cùm etiam hi sint *membra Ecclesiæ, templum DEI, filii Sanctorum*; (x) adeoque illa Christi verba: *sancti estote, etiam pro iis non solum consilii sed præcepti rationem habere.*

Nam etiam terrestribus curis additatos, innocuam decet ac frugi vitam ducere: etiam hos Evangelium vult iracundiam frænare, superbiam reprimere, carnem domare, inimicos diligere, pauperibus subvenire, ac officiis suis rite obeundis intentos esse. Etiam hos Paulus *piè, justè, ac sobriè in hoc seculo vivere* jubet. (y) Ergo etiam istos DEUS æquè ac cœnobitas fieri sanctoros cupit. Quamvis fatendum sit, his ultimis tum ob statūs excellentiam, tum ob subsidiorum abundantiam ad sublimiorem sanctitudinis gradum, & fortiori ex titulo enitendum esse.

P 3

Proin

(x) Eccli. 46. v. 15.

(y) Tit. 2. v. 12.

Proin audite cœli! audiat terra verba oris divini, (z) ejusque imperium subdita mente revereatur. Hæc dicit ille Rex potens, & metuendus nimis, (aa) sub quo curvantur, qui portant orbem: (bb) sancti estote: (cc) eritis mihi sancti: (dd) perfecti sitis & sine macula. (ee) His ergo rebelli dissensi refragari quis ausit? præcipue cum id jubeat ille, cui nullus similis in legislatoribus est: (ff) cujus omnia mandata æquitas sunt: (gg) qui impossibilia non jubet; immo qui etiam dat, quod jubet. Ita est, ô mortales! ut simus sancti, altissimus ille creator omnipotens imperat, (hh) cujus manus fecerunt nos, & plasmaverunt nos; qui pelle & carnibus vestiit nos, ossibus & nervis compegit nos: (ii) qui proin, cum simus opera manuum ejus, (ll) exigere à nobis, quæcunque voluerit, potest. Ut simus perfecti, sapientissimus

-
- (z) Deut. 32. v. 1. (aa) Eccli. 1. v. 8.
 (bb) Job. 9. v. 13. (cc) Levit. 19. v. 2.
 (dd) Levit. 20. v. 7. (ee) Deut. 18. v. 13.
 (ff) Job. 36. v. 13. (gg) Psal. 118. v. 172.
 (hh) Eccli. 1. v. 8. (ii) Job. 10. v. 8. & seq.
 (ll) Psal. 18. v. 1.

mus ille princeps præcipit, (mm) & eius oculis non est quicquam absconditum: (nn) qui proin cognoscit figuram nostrum, (oo) cui perspectæ sunt infirmitates humanæ, quem naturæ indoles, vitæ conditio, difficultatum arduitas minimè latent; & qui tamen, his insuper habitis, nos eluctari ad sanctitatem mandat. Denique ut simus sine macula, vult ille sedens super thronum ac dominans DEUS, (pp) qui fortis robore est, (qq) & in cuius manu anima omnis viventis est; (rr) quam proin punire, nî obediatur, quovis momento potest. Et nihilominus reperire sit aliquem, qui vanis obtentibus sibimet illudens, æquissimis hisce jussis gerere morem renuat? qui solidam pietatem viribus suis majorem & mortali fragilitate superiorem ducat? qui præcepti asperitate illius transgressiōnem excusat? & amplius præcipi dicat; quam nostra imbecillitas ferat?

P 4 O quanto-

(mm) 2. Reg. 23. v. 8. (nn) Eccli. 39.
v. 24. (oo) Psal. 102. v. 14. (pp) Eccli. I.
v. 8. (qq) Job. 9. v. 4. (rr) Job. 12. v. 10.

O quantopere consignata factis Litteris exempla nostram hanc repugnantiam confundunt, ac inanes hos praetextus refutant! quantopere nostram pusillanimem inertiam descripta ibidem facinora in ruborem dant! Agite, non nisi transfeuntem in illa obtutum defigamus. *Ait DEUS ad Abraham: tolle filium tuum unigenitum, quem diligis Isaac, . . . atque offer eum in holocaustum in uno montium, quem monstravero tibi.* Et sine mora Sanctus Patriarcha de nocte consurgens, & extendens manum, arripuit gladium, ut immolaret filium suum; (ss) licet providerit, cum Isaaci capite simul omnes familiae spes eodem iactu succisum iri. Vix Abimelech suis dixerat: *quod me videtis facere, citò facite;* mox omnes, certatim ramos de arboribus præcidentes, sequebantur ducem; (tt) licet hostilem turrim succensi præsens viæ discriminem adierint. Vix desideraverat David potum aquæ de cisterna, quæ est in Bethlehem; & mox irruperunt

(ss) Gen. 22. v. 2, & 10. (tt) Jud. 9. v. 48. & 49.

perunt tres fortes castra Philistinorum, haustamque de cisterna aquam attulerunt ad David; (uu) licet se in evidens animarum periculum præcipites derident. Et hæc patrarunt isti sine ulla dilatione, in re summè ardua, ad unicū imperantis nutum; cùm contrā nos Christiani Supremo Numini, longè leviora & quidem sàpius exigenti, auctoritate abnuamus.

Jubet Is, ut eidem Abrahami exemplo hanc vel illam affectionem immolemus, quæ perfectioni & gratiæ præcipuum obicem ponit, & ferre repulsam cogitur. Illa ipsa Abimelech verba etiam Christus nobis inclamat: *quod me videtis facere, citò facite.* (xx) nam exemplum dedi vobis, ut quemadmodum ego feci, ita & vos faciatis; (yy) & surdis fabulam canit. Etiam Spiritus Sanctus puriori quam David voto sicut perfectionem nostram; utque eandem avidè sectemur, continuis instinctibus nos impellit, urget-

P 5

que,

(uu) 2. Reg. 23. v. 15. & seq. (xx) Exod. 25. v. 40. (yy) Joan. 13. v. 15.

que, & nihilominus tanto jam tempore omnem operam ludit. Vah ! quām probrosa hæc virtutis incuria est ! quām pertinax divini jussūs neglectio !

O Superi ! ergóne divina tantum mandata, quæ tamen nostrum solummodo bonum intendunt, temerè despectui habeantur ? cùm ex adverso humana, licet magis ardua sint, & non nisi jubentis commoda spectent, tam solicite attenduntur. Jubet Turcarum Imperator ; & mox cohortes ex tribus orbis partibus confluunt, in hostem involant, mœnia scandunt, suggestus superant, ac turres evertunt. Imperat maritimus Rex ; & mox apparantur classes, explicantur vela, fulcantur maria, ridentur procellæ, sponentur naufragia, & inhospita litora subeuntur.

Quodsi illis oggeras invicta, quæ obstant, repagula : si depingas immanes, quæ ingruent, ærumnæ : si opponas innumera, quæ occurrent, pericula :

ricula : si denique eis explices incertitudinem mercedis , quam sperant : vanitatem honoris , quem ambiunt : tenuitatem lucri , quod prensant : discrimen animæ , cui se exponunt ; adversus hæc omnia Principis imperium eis impervium est scutum. *Jubet rex : imperator vult , viætrices illis reseræ sunt , queis omnia vincunt , calcant , perrumpunt.*

Contrà verò petit DEUS
DEUS ô Cœlites ! quantum
nomen ! petit , inquam , DEUS , ut
huic creatæ rei nuncium mittamus ;
ut isti appetitui repugnemus , ut per
hanc nostri victoriam sanctitati initium
faciamus ; & tamen (vah ! pro-
brum) lenti pigramur , surdos agi-
mus , moras moris innectimus , ac
denique omnino , re infecta , omne
negotium abrumpimus. O angeli !
quid hic amplius miramini ? an pro-
terviam hominis suo Conditori ita in-
sultantis ? num verò patientiam Nu-
minis ista tam benignè ferentis ? Ah !
pudeat nos , quod mundani paratores
sint

sint ad perditionem, quàm nos ad vitam;
 (zz) quòd illi majori cura serviant
 mundo pro pecunia, quàm nos cœlo
 pro gratia.

Et profectò auctoritas DEI impe-
 rantis non est minor quàm loquen-
 tis. Si ergo propter hanc ejus aucto-
 ritatem credimus loquenti, cur non
 etiam obedimus imperanti. Ergo
 cùm nos fieri sanctos velit, utì pro-
 bant allata ex sacris Paginis testimo-
 nia; cur tales esse non laboramus?
 Nempe quia non amamus; si enim
 summum illud ac amabilissimum Ens
 ardenter diligemus, mox ruptis om-
 nibus obstaculis ad solidam probita-
 tem constanter tenderemus. Utì ex
 infrà dicendis patebit.

II.
 Ult̄ &
 concessa
 bunc in
 finem sub-
 fidia.

II. Præterea de hac Supremæ Ma-
 jestatis voluntate, qua nos ad sancti-
 moniam incumbere cupit, nos non
 minùs convincunt plena manu con-
 cessâ hanc in rem subsidia. Cùm
 enim divina Bonitas tam liberali abun-
 dantia

dantia nobis suppeditet perfectionis obtinendæ remedia, evidens indicium est, ejus Providentiam eandem quoque tanquam terminum intendere, utpote ad quem adipiscendum ejusmodi adjumenta suapte natura ordinantur. Sicut enim ille, qui vult finem, etiam de auxiliis eum consequendi prospicere cogitur; ita etiam è contrario qui potentia sanctitudinis comparandæ subminicula subministrat, eandem tanquam scopum respicere, & à nobis exigere intelligitur.

Porro hæc subsidia & numero plurima esse & efficacitate præstantissima, ex dictis tota parte secunda abunde constat. Præterea tot illustrationes, instinctus, Sacramentorum perceptiones, piarum rerum meditationes, conscientiæ examina, electionem ad sacerdotium, aut statum religiosum aliaque his similia abundantissima esse & efficacissima adipiscendæ sanctitatis remedia, in aprico est. Unde pariter colligitur, quantopere DEUS perfectionem nostram ambiat; cùm eam nobis

nobis tanto adjumentorum apparatu tam facilem reddat.

Ne verò in his fusiùs explicandis prolixior excurram, non nisi unicum ex illis in medium afferam, tale tamen, ex cuius solius concessione locupletissimè patet, quanto desiderio nostram sanctitudinem Sacrosancta Trinitas concupiscat. Est autem id unigena æterni Patris Filius, quem Ille ideo de cœlis in terram miserat, *ut nobis esset exemplum virtutis.* (a)

Non enim Is carnem eo solum fine assumpserat, ut esset Servator, sed etiam ut esset exemplar. Et hinc omnes, quas patravit, actiones eò direxit, ut iis non tantummodo nobis promereretur salutem, sed etiam doceret pietatem. Jusserat quidem in veteri lege Supremum Numen, ut ejus sanctimoniam simularemur; sed quia excellens ille, ac omnis materiae expers Spiritus, in gloriæ suæ statu permanens, nobis vitæ idea esse haud poterit.

(a) Ruth, 4. v. 11.

poterat, ideo ait Augustinus, *DEUS factus est homo, ut exhiberetur homini, quem sequeretur homo.* (b)

Propterea etiam Christus, ut datum se orbi exemplar esse probaret, vix mundum hunc fuerat ingressus, cùm mox cœpit facere, & docere; (c) ut qui præceptis non accendimur, interprete Gregorio saltem exemplis provocaremur. (d) Probè enim noverat nostri profectūs zelotes JESUS, (ut advertit S. Leo) validiora esse exempla quam verba, & pleniū opere doceri quam voce. (e) Quin imò cùm non nisi ultimis vitæ annis cœpisset docere, facere jam incepit primo statim, quo has auras usurpaverat, momento. Ut proin meritò Divinus Pater, ex alto intonans, nobis in clamet: en! hic est filius meus dilectus; (f) dedi eum vobis in exemplum, (g) ut quemadmodum ipse fecit, ita & vos faciatis. (h) Ejus proin

(b) Serm. 13. de Tempore. (c) Act 1. v. 1.
 (d) Greg. M. in Job. cap. 10. (e) Serm. de jejunio. (f) Matth. 3. v. 17. (g) Num. 5. v. 27. (h) Joan. 13. v. 15,

proin vestigia premitε; est enim via:
ipsum audite; est enim veritas: ipsi
adhærete; est enim vita. (i)

Jam verò quām efficax perfectionis
subsidiūm hoc Christi exemplūm sit,
è contrario elucescit. Si enim Ser-
vator noster regio diademate redimi-
tus, gemmeo insidens throno, aulico
stipatus famulatu, opibus & deliciis
affluens, nos ad seständam contemp-
tionem, voluntariam pauperiem, ac
appetituum moderationem hortaretur;
si satur Ipse, dives, honoratus & fe-
lix beatos pronunciaret, qui paupe-
res spiritu esuriunt, lugent, & perse-
cutionem patiuntur; si Ipse ad illius,
in quo virtus residet, montis pedem
commodè residens, ducentem ad ejus
apicem, viam tantummodo nobis di-
gito designaret, voce delinearet, il-
liusque asperitatem solo verborum le-
nimine complanaret; tunc fortassis
nostra illa sanctitatis nausea leniori
conniventia dignior foret.

At

(i) Joan. 14. v. 6.

At verò cùm ipse omnium egens & abjectus, miser & afflictus tolerantiæ faciem præferat; cùm ipsus in fronte agminis omnium ducem agat, nilque nos facere aut pati velit, nisi quod ab eo fieri, aut tolerari ipsi viderimus, omnis omnino obtentus evanescit, exemplique vis cum summo pudore nostro immensum augetur. Nam eundem cruce onustum præuentem cernere; & tamen sequi nolle: videre illum eò indigentiaæ devenisse, ut ne quidem habeat, ubi caput reclinet; (l) & tamen divitiis inhiare: intueri, quod is *exinaniendo semetipsum* (m) *vermis sit & non homo, opprobrium hominum & abjectio plebis;* (n) & tamen honores ambire: contemplari eundem trabi affixum, flagellis lacerum, spinis saucium, *virum dolorum esse, scientem infirmitatem;* (o) & tamen cuticulam fovere.

Imò credere, hunc JESUM esse
DEUM, Regem ac Dominum no-

Pars III.

Q

strum,

(1) Luc. 9. v. 58. (m) Phil. 2. v. 7. (n)
Psal. 21. v. 7. (o) Isa. 53. v. 3.

strum , à quo omnis nostra salus, ac felicitas dependet; cumque hæc omnia amore nostri ideo agere, & perpeti, ut nos ad sui sequelam animet; ut nobis contemptus , egentiæ , & asperioris vitæ desiderium instillet; contrà verò deliciarum , honorum & divitiarum vilipensionem indat, ac ingeneret ; hæc omnia , inquam , credere, memori cultu etiam adorare; & tamen mammonæ, mundo, & carni addictum vivere: quæ JESUS odit, amare: quæ ille amat , odisse, ac de eo proximiùs imitando nec cogitationem admittere ; idque facere Christianum , qui teste Tertulliano æmulis moribus deberet esse alter Christus. Hæc certè tam probrofa , infidelis , ingrata , & discordans inter se fidei & vitæ dissensio est , ut omnem excusationi locum penitus adimat. Sola hæc antithesis nostram ignaviam ita confundit, ut si vel guttula adhuc generosi sanguinis in venis fluat, ad hujus prototypi imitationem inflammari nos oporteat. Exinde hujus subsidiī efficacitatem metiri licet.

Quid

Quid enim? ergóne minus in nobis efficere possit exemplum Salvatoris, quām in milite Ducis? Finge amatum militi Ducem in hostiles muros primū eluctari, mox omnis exercitus praeuntem pleno impetu sequetur. Et solos Christianos insequi Christum pigeat? Christum, inquam, cui data est, omnis potestas in celo & in terra? (p) Christum, in cuius nomine omne genus flectitur cœlestium, terrestrium, & inferorum? (q) Qui pro momentaneo & levi tribulationis nostræ supra modum in sublimitate aeternum gloriae pondus promittit? (r) Quique tibi, ô Christiane! modò velis, etiam vires dabit, queis possis omnia tela nequissimi ignea extinguere. (s) Quis nisi ignavus & vecors sub tanto Rege stipendia mereri, ejus vestigia premere, virtutem sectari, & præliari prælia Domini recuset? (t) præcipue cum Ille, prævenientis gratiæ balsamo labores leniat, dolores mitiget, & faciat, ut eant prava in directa & aspera in vias planas. (u)

Q 2

Pro-

(p) Matth. 28. v. 18. (q) Phil. 2. v. 10.
 (r) 2. Cor. 4. v. 17. (s) Eph. 6. v. 16. (t)
 1. Reg. 18. v. 17. (u) Lue. 3. v. 5.

Profectò nulla digni venia sunt, qui ad tantum hoc tamque alliciens exemplum immoti perstant; qui hæc audiunt, nec tamen esuriunt, & sitiunt justitiam. (x) Enimvero etiam de talibus cœlestis Magister dicere poterit, quod olim de Judæis affirmaverat: *si non venisset, & locutus fuisset eis; si non Ipsus Ego sanctitudinis callem eis prævissem, peccatum non haberent;* nunc autem cum vitæ meæ ac mortis historiam sacris expressam Literis toties legerint; cum nudum me in crucis effigie, doloribus & opprobriis oppletum quotidie viderint, *excusationem non habent de peccato suo.* (y) Ita est; cum miseriарum & contemptuum aciem primus ipse fregerit; cum ex torrente afflictionum primus ipse bibet; verbô: postquam ille cruentum torcular calcavit solus, (z) *excusationem non habent,* quicunque eum imitari detrectant.

Age ergo ô ingrate! quisquis sanctimoniarum incuriosus vivis, & intuere pendu-

(x) Matth. 5. v. 6. (y) Joan. 15. v. 22.
(z) Isa. 63. v. 3.

pendulum tuum è trabe DEUM. Audi eundem moritura voce exclamantem: *consummatum est*; quasi diceret: ô Pater æterne! *opus consummavi*, quod dedisti mihi, ut facerem. (aa) perfeci tuum circa mortales consilium. En! ut iis solidæ pietatis amorem, ut sanctitatis desiderium persuaderem, nec sanguini nec viribus pepercí. ne anima hæc viam teporis decurreret, ne dextram ad Ægypti cepas extenderet, permisi, ut manus mihi pedesque clavis terebrarentur; ut ea horreret sub capite spinoso membrum esse delicatum, huic dumeto divinum verticem indui; ne spreto ea spiritu carnem moveret, totum corpus flagris discerpendum tradidi. Et tamen (*obstupescite cœli super hoc!*) (bb) & tamen, que utilitas in sanguine meo? (cc)

Ah! frustra laboravi! frustra pauperimus in stabulo natus, perpetuos inter contemptus delitescens vixi, summisque cruciatibus immortuus exspiri-

Q 3 ravi!

(aa) Joan. 17. v. 4. (bb) Jerem. 2. v. 12.
(cc) Psal. 29. v. 10.

ravi! hæc eadem anima, his insuper habitis, opum hujus mundi, honorum & deliciarum æquè avida fuit, tristemque suis cupiditatibus servitatem servire perrexit. Nil cruoris in venis, nil anhelitus in pulmonibus, nil virium in artubus, nil vitæ in corde mihi remansit, quod non prodigè effuderim, expenderimque, solùm ut ipsa perfectioni obtainendæ se totam impenderet; & tamen hanc unicè ea & semper in postremis habuit, tot inter adjumenta, torporis cœno immersa, usque immobilis hæsit.

Edic jam, ô infelix! hæc Christo olim exprobraturo quid repones? quis misero tibi tunc sensus erit? cùm certes efficacissimum acquirendæ sanctitudinis adminiculum suo in te effectu caruisse? Tanta Christum egisse, tam immania tolerasse, ut sanctum te efficeret; & tamen operam lusisse? non obstante divino hoc Archetypo, tamque potenti ejusdem exemplo, tamen te vanitatis ectypon permansisse? cùm experieris, aspectum Salvatoris è cruce pendu-

penduli, qui solatii sub mortem scaturigo esse debuisset, moribundo tibi non nisi terroris ac pudoris argumentum fore; tēque loco *gaudii*, quod haurire aliās ex plagis *Salvatoris* tanquam *ex fontibus potuisses*, (dd) non nisi timorem te & angorem percepturum; ad hāc, inquam, quā tibi tunc mens erit?

Heu! quā alia erit? quām quā olim Regii Vatis fuerat; cūm dolens ingemuit: *tota die verecundia mea contra me est, & confusio faciei mea cooperuit me.* (ee) Nam cōclum vult nos fieri sanctos, id DEUS declarat præcepto: id Christus docet exemplo: id testantur allata *ex* sacris Paginis testimonia, nec non collata hunc in finem tam liberaliter subsidia, præcipuè JESUS nobis exemplar datus; & tamen tantum abest, ut eo, quo par est, conatu comparandæ perfectioni studeamus, ut potius eam vix non omnis vitæ curriculo neglectui habeamus.

Q 4

Non

(dd) Isa. 12. v. 3. (ee) Psal. 43. v. 16.

Non poterat Omnipotens Pater nobis concedere efficacius virtutis præsidium quàm suum Unigenam Filium: concessit, id suadente sua charitate infinita; submissum cœlis divinum hoc prototypon nobis imitandum propo-
suit; ita ut jure dicere possit: *quid est, quod potui ultra facere, & non feci?*
(ff) *quid melius dare, quod non dedi?* Et tamen *qua utilitas in utrisque?* (gg) Ut hunc imitaremur, ejus-
que exemplo animati, sanctitatis se-
mitam iniremus hucusque à nobis ob-
tinere nec interposito suo tam solemni
imperio potuit.

*Quæ, obsecro, causa hujus mali, quæ
tanti languoris origo est? Nempe nec
DEUM nec Christum eo, quo decet,
ardore amamus; & hinc nec illum
imperantem audimus, nec istum in-
sequi præeuntem curamus. Si utrum-
que debito affectu complectemur,
amor adderet alas ad sequendum:
amor sufficeret vires ad obediendum;
redderetque leve, quidquid in man-
dato*

dato durum, quidquid in imitatione asperum occurrit. Verbô: amor DEI pietatem solidam à nobis exigentis, hujus sectandæ efficax incitamentum foret. Nam teste Thoma à Kempis amor leve facit omne onerosum, & fert aequaliter omne inaequale: onus sine onere portat, ac omne amarum dulce ac sapidum efficit: ad magna operanda impellit, & ad desideranda semper perfectiora excitat, labores non reputat, plus affectat, quam valet: de impossibilitate non causatur, cuncta se posse, & licere arbitratur. (hh)

O quis ergo mihi dabit pennas,
queis evolem ad flaminantes illos Cœlitum thronos? quis incendet gelidum hoc pectus illis beatarum mentium ardoribus? O Seraphini! motu alarum vestrarum vel scintillulam cœlestis illius flammæ in me fuscitate, quæ Sanctis perfectionem adeò suavem reddidit, facilemque. Verùm huic affectioni inflammandæ sequens paragraphus ampliora fomenta suppeditabit.

Q. 5

§. II.